

SÀRDARA - COJA IN SARDU

IN NÒMINI DE SA LEI DECRARU CA SEIS POBIDDU E MULLERI.

Fustei dda bolit a pobidda a.....?

Is sposus custu sàbudu 13/09 a is 11:00 in Villa Diana, ananti de su sindigu Giuseppe Garau no ant a pronuntziai SI ma SISSI. Custa est sa primu coja in lingua sarda e duncas de imoi innantis in Sàrdara puru si podit marcai identidariamenti unu passu de fundamentu de sa vida. Sa bidda de is bàngius sighit s'arrastu de Mòguru, Casteddu, Quartu, Iscanu, Bauladu.... Ma ita bolit nai oi a imperai in sa modernidadi sa lingua sarda po serrai custu "acòrdiu po sa vida?" Est crau ca s'àutu cun in cunsighèntzias de importu chi tenit giuridicamenti, est primu de totu una unioni spirituali de òmini e fèmina, po bivi e "si spaciai" sa vida impari e po pesai is fillus cun responsabilidadi. Po bivi fintzas in d-una domu posta in d-unu territòriu, su nostu. Unu territòriu e una comunidadi po essi deaberus considerada aici, depit cumpartziri no sceti logus fisicus ma valoris, cultura e unu sentiri nostu. Sa lingua, cumente elementu de fundamentu culturali comunu, no est sceti aina de comunicatzioni verbali, est elementu de cumpartzimentu e aina forti de comunicatzioni empàtica, po s'arreconnosci apari. Est unu ciumentu identidàriau stravanau duncas. Sa coja in sardu insaras est sìmbulu de cumpartzimentu de is valoris de una comunidadi e ndi marcat s'apartenèntzia.

Serbit fitzas po arregordai a is sposus - babus e mamas de cras - ca sa lingua est unu beni imateriali CHI SPÀCIAT e chi tocat a trasmit a is fillus po chi sigat a bivi.

Fintzas po no pesai fillus stràngius.

E insaras BIVAT is sposus! A SI CONNOSCI CUMENTI DISIGIAIS! A CENT'ANNUS CUN SA PAXI E GOSUS MANNUS!